



2019 йил. «04» 01

№ 08-02

« » 20 год.

**Ўзбекистон Республикаси Олий ва ўрта махсус таълим
вазирининг 2018 йил 24 декабрдаги 1056-сон буйруғи ижросини
таъминлаш тўғрисида**

Ўзбекистон Республикаси Олий ва ўрта махсус таълим вазирининг 2018 йил 24 декабрдаги “2019 йилда ўтказиладиган олий таълим муассасалари, академик лицей раҳбар ва педагог кадрларини қайта тайёрлаш ва малакасини ошириш курслари режаси ва тингловчилар контингентини тасдиқлаш тўғрисида”ги 1056-сон буйруғи ижросини таъминлаш мақсадида,

Б У Ю Р А М А Н:

1. Ўзбекистон Республикаси олий ва ўрта махсус таълим вазирининг 2018 йил 24 декабрдаги “2019 йилда ўтказиладиган олий таълим муассасалари, академик лицей раҳбар ва педагог кадрларини қайта тайёрлаш ва малакасини ошириш курслари режаси ва тингловчилар контингентини тасдиқлаш тўғрисида”ги 1056-сон буйруғи маълумот ва ижро учун қабул қилинсин.

2. Курс деканлари:

кафедра ўқитувчиларининг қайта тайёрлаш ва малака ошириши белгиланган ойларда аудитория соатларини тўғри тақсимланишини назорат қилсин;

қайта тайёрлаш ва малака ошириш курсларида аттестациядан муваффақиятли ўтган педагог кадрлар томонидан эгалланган янги компетенцияларни оммалаштириш мақсадида очик дарслар, семинарлар ўтказилишини мунтазам йўлга қўйиш, илгор тажрибаларни амалиётга кенг жорий этган ҳамда касбий фаолиятда юқори натижаларга эришаётган педагог кадрларни рағбатлантириш юзасидан таклифлар киритиб борсин.

3. Кадрлар бўлими (Д.Абдуллаева):

қайта тайёрлаш ва малака ошириш курслари якунида аттестациядан ўтмаган раҳбар ва педагог кадрларни белгиланган тартибда курсларда такрорий ўқишини назорат қилсин;

қайта тайёрлаш ва малака ошириш курслари якунида аттестациядан такроран ўтмаган педагог кадрлар билан тузилган меҳнат шартномасини қонунчиликда белгиланган тартибда бекор қилиш юзасидан таклифлар киритсин.

4. ТДЮУ ҳузуридаги Профессионал ўқитиш маркази (А.Якубов):

олий таълим муассасалари педагог кадрлари учун тегишли йўналишлар бўйича қайта тайёрлаш ва малака ошириш курсларини тегишли тартибда тасдиқланган ўқув режа ва дастурлар асосида ташкил этиш;

қайта тайёрлаш ва малака ошириш курсларида ўқув машғулотларини олиб бориш учун олий таълим муассасаларининг малакали профессор-ўқитувчилари ва илмий даражалар берувчи Илмий кенгаш аъзоларини, шунингдек хорижий мутахассислар, ўқув-услугий ходимлар ва юқори малакали амалиётчи мутахассисларни шартнома асосида кенг жалб этиш;

қайта тайёрлаш ва малака ошириш курсларини юқори савияда ўтказиш учун зарур бўлган ўқув-услугий ва моддий-техник базани шакллантирилишини, шунингдек ўқув машғулотларида замонавий педагогик, мультимедиа ва ахборот-коммуникация технологияларининг кенг жорий этилишини таъминлаш;

қайта тайёрлаш ва малака ошириш курслари тингловчилари томонидан электрон портфолио тизимида киритилган маълумотларнинг ишончлилигини таъминлаш;

педагог кадрларни қайта тайёрлаш ва малакасини ошириш ўқув жараёнини сифат жиҳатдан юқори даражада ташкил этилиши ва белгиланган режаларнинг бажарилиши тўғрисидаги маълумотларни ҳар цикл якунида тегишли ташкилотларга тақдим этиб бориш чораларини кўрсин.

5. Кафедра мудирлари:

университетдан қайта тайёрлаш ва малака ошириш курсларига юбориладиган кафедра ўқитувчиларининг қайта тайёрлаш ва малака ошириши белгиланган ойларда аудитория соатларини тўғри тақсимланишини таъминласин;

тингловчиларнинг очиқ маърузалар ва амалий машғулотлар ўтказиши, ўтилган дарсларнинг муҳокама қилиниши ва танқидий таҳлил этилишига асосланган педагогик амалиётни кафедрада юқори савияда ташкил этсин;

қайта тайёрлаш ва малака ошириш курси тингловчиларига илмий ва педагогик амалиёт раҳбари сифатида бириктирилган кафедра профессор-ўқитувчиларининг тингловчилар билан ишлашда масъулият билан ёндашиши устидан назоратни кучайтсин.

6. Ахборот-ресурс маркази (Х.Пирмедова) қайта тайёрлаш ва малака ошириш курси тингловчиларнинг Ахборот-ресурс марказидаги ўқув, илмий ва бадий, шунингдек электрон ресурслардан кенг фойдаланишлари учун шароит яратсин.

7. Мазкур буйруқ ижросини назорат қилишни ўз зиммамда қолдираман.

**Адлия вазири
Ўринбосари – ректор**



Е.Канъязов